

Banco Central ta propone implementacion di un ley di responsabilidad Fiscal

ORANJESTAD (AAN)— Como reaccion riba e necesidad expresa door di gobierno pa tin mihor instrumentonan di control y vigilancia pa cu gastonan, Banco Central a propone e implementacion di un ley di responsabilidad fiscal (of asina yama "Fiscal Responsibility Law" FRL) pa duna credibilidad y un perspectiva cu vision pa futuro riba maneho fiscal y pa mehora transparencia, responsabilidad y administracion fiscal. E meta principal di un FRL ta pa promove disciplina fiscal door di reforma e planeamento presupuestario general y practicanan di ehecucion y pa establece reglanan fiscal numerico. Segun e banco, un FRL tambe ta haci maneho fiscal mas predecible y transparente a traves di diferente periodo di tempo. Tambe, un FRL lo rekeri pa gobierno compromete su mes

adelanta na un strategia di maneho fiscal vigilable pa un periodo multi-anual y pa raporta y publica resultadonan fiscal y cambionan den strategia riba base regular.

Sr. Robert Henriquez, Presidente di BCA a indica cu Ministro di Finanzas y Asuntunan Economico recientemente a puntra IMF pa asistencia tecnico den e areanan di diseño y implementacion di e FRL, pero e caminda pa yega na sostenibilidad fiscal lo ta largo y yen di obstaculonan. E diseño di e FRL lo tuma tempo y lo rekeri un consenso politico amplio. Mas ainda, un FRL mester worde traha riba bon practicanan di transparencia y responsabilidad. Asina mes, e ruta aki mester worde tuma pa asegura estabilidad financiero y economico pa futuro generacionnan, Banco Central a subraya den su relato anual.



Caso serio den marduga..

Intruso a drenta cas na Playa seida y bringa cu señora

ORANJESTAD (AAN): Tabata mainta trempan banda di 5:30'or, cu Polis a ricibi informe di un caso serio cu a tuma lugar na Caya Seida.

Patruxa cu a worde dirigi eynan, a atende mesora e caso. Segun informe policial, un homber a drenta den e cas cu intencion menos bon y a maltrata e habitante.

Na yegada di e unidad Policial, agentenan a papia cu e señora victima di 45 año. Segun version di e señora e tabata drumi, na dado momento el a spierta y a topa un homber desconoci den su

residencia. E señora a reacciona mesora y a confronta e homber. Nan a lucha formalmente cu otro.

Mientras e homber tabata expresa na Spaño, pa e keda keto sino e lo mate. E señora no a preocupa cu e amenaza, como cu e tabata grita y bringa pareu contra di e homber desconoci. E golpinan tabata fuerte, como cu finalmente e homber a haye obliga di bandona e cas na careda. Esaki a worde considera cu el a perde e lucha feroz contra di e habitante.

E cas a keda rebotea door

di e confrontacion cu tabatin entre e homber di habla hispano y e señora.

Debi na lucha feroz cu e señora a hiba el a keda herida y ta keha di dolor entre otro na pecho. Presencia di ambulans a worde solicita pa transporta e victima pa Hospital. Despues denuncia oficial lo worde entrega na autoridad di maltrato, destruccion contra di e homber intruso.

Descripcion cu e señora a logra duna di e intruso, ta cu e ta un homber color scur, bisti cu un Short color preto, y T-Shirt blanco.

BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Iron Board
Afl. 14,95

D & T

Planning / Roofing & Painting

Cas >> te na yabi/renovacion/remodelacion/

Dak>> drecha/traha/cambia/garantia 1-5 año leakproof.

For>> en general/2000 difer. color/ta ferf riba weekend

Compania Arubiano/Camara di comercio/ Cotizacion 48 ora/ta traha banconcept.

Inf: 7441340

MOKKEL PA MATA VRUMINGA!!

